



SIARAN MEDIA

ANGKASA MEWAKILI MALAYSIA DIPILIH SEMULA SEBAGAI AHLI LEMBAGA BADAN INDUK KOPERASI GLOBAL, INTERNATIONAL COOPERATIVE ALLIANCE (ICA)

SEPANYOL, 21 JUN 2022 – Anggota Lembaga Angkatan Koperasi Kebangsaan Malaysia Berhad (ANGKASA), Dato' Haji Kamarudin Ismail pada hari ini telah dipilih sebagai Ahli Lembaga Ikatan Koperasi Antarabangsa (International Cooperative Alliance-ICA) bagi penggal 2022 – 2026 melalui pengundian pada Perhimpunan Agung Ikatan Koperasi Antarabangsa, ICA Elective General Assembly 2022 di Hotel Silken Al-Andalus, Seville, Sepanyol.

Dato' Haji Kamarudin Ismail mempertahankan kedudukan sebagai Ahli Lembaga ICA mewakili Malaysia pada pemilihan dalam perhimpunan agung ini. Seramai 15 orang ahli lembaga daripada 21 calon yang dipilih untuk berkhidmat bagi tempoh empat (4) tahun bagi penggal 2022 hingga 2026. Dr. Ariel Guarco daripada Argentina telah dipilih semula sebagai Presiden ICA yang baharu.

Menteri Pembangunan Usahawan dan Koperasi, YB Tan Sri Noh Bin Haji Omar berkata pemilihan semula Dato' Haji Kamarudin Ismail sebagai Ahli Lembaga di peringkat global merupakan satu penghormatan dan pengiktirafan buat gerakan koperasi negara. "Kejayaan ini menunjukkan bahawasanya Malaysia telah berjaya melahirkan tokoh koperasi di peringkat antarabangsa dan dengan adanya warga Malaysia dalam kepimpinan ICA, saya melihat akan wujudnya jambatan yang dapat menghubungkan koperasi di Malaysia dan koperasi di negara luar."

"Harapan saya koperasi tidak harus terikat dengan perniagaan berkisar dalam negara sahaja malah perlu perluas aktivitinya dan terlibat dalam perdagangan antarabangsa selain penyumbang kepada aktiviti import dan eksport. Apa yang penting pemilihan ini akan membantu meningkatkan hubungan perniagaan dua hala antara gerakan koperasi di Malaysia dan koperasi di luar." Jelas beliau.

Terdahulu, YB Tan Sri Noh Bin Haji Omar turut menghadiri Persidangan "Cooperatives: The Moment Is Now!" yang membuka tirai penganjurannya pada 19 Jun 2022 secara bersemuka.

Presiden ANGKASA, Datuk Seri Dr. Abdul Fattah Abdullah berkata, ANGKASA merupakan ahli tetap International Cooperative Alliance (ICA) sejak tahun 1972 sentiasa memainkan peranan aktif pada peringkat global bagi memastikan gerakan koperasi negara mempunyai 'nama' di luar negara bagi memudahkan jalinan kerjasama antara koperasi dengan koperasi untuk meneroka sektor baharu dan meningkatkan jaringan perniagaan bagi menempatkan produk dan perkhidmatan koperasi di pasaran terbuka.

Delegasi koperasi Malaysia diketuai Menteri Pembangunan Usahawan dan Koperasi, YB Tan Sri Noh Bin Haji Omar. Delegasi terdiri daripada 70 orang wakil Kementerian Pembangunan Usahawan dan Koperasi (KUSKOP), Kementerian Kewangan Malaysia (MOF), Suruhanjaya Koperasi Malaysia (SKM), Institut Koperasi Malaysia (IKMa), Angkatan Koperasi Kebangsaan Malaysia Berhad (ANGKASA) dan beberapa buah koperasi yang tersenarai dalam 100 koperasi terbaik Malaysia.

Turut hadir, Timbalan Ketua Setiausaha (Dasar dan Pemantauan) KUSKOP, Dato' Mohammad Radhi bin Abdul Razak, Pengerusi Eksekutif Suruhanjaya Koperasi Malaysia (SKM), Tuan Haji Zazali Haron, Ketua Pengarah Institut Koperasi Malaysia (IKMa), Datuk Mohd Ali bin Mansor, Presiden Angkatan Koperasi Kebangsaan Malaysia Berhad (ANGKASA), Datuk Seri Dr. Abdul Fattah Abdullah dan Pengerusi Bank Rakyat, Dato' Abd. Rani Lebai Jaafar.

**PENGURUS BESAR BAHAGIAN KOMUNIKASI KORPORAT
MERANGKAP PEGAWAI KHAS KEPADA PRESIDEN
ANGKATAN KOPERASI KEBANGSAAN MALAYSIA BERHAD (ANGKASA)
21 JUN 2022**

MENGENAI ANGKASA

ANGKASA adalah Badan Apeks Gerakan Koperasi Malaysia yang diiktiraf oleh Kerajaan untuk menyatukan dan mewakili koperasi di peringkat nasional dan antarabangsa. ANGKASA menjalankan khidmat teras seperti menyediakan khidmat potongan gaji kepada kakitangan kerajaan, badan berkanun, kelab, koperasi, dan kesatuan.

ANGKASA melaksanakan program transformasi perniagaan dan keusahawanan koperasi dalam sektor perniagaan yang berimpak tinggi seperti Kewangan, Pertanian dan Industri Asas Tani, Pemborongan dan Peruncitan, Pelancongan, Penjagaan Diri dan Kesihatan, Perladangan, Hartanah dan Industri Binaan, Inovasi dan Teknologi serta Pembangunan Komuniti.

Sehingga bulan 31 Disember 2021, ANGKASA sebagai badan apeks gerakan koperasi negara yang diiktiraf oleh kerajaan menaungi 14,834 buah koperasi di seluruh negara dengan keanggotaan individu kira-kira 7.08 juta orang, jumlah modal syer/ yuran sebanyak RM16.5 bilion dan jumlah aset RM155 bilion. Perolehan gerakan koperasi mencatat sebanyak RM37.9 bilion. (Sumber statistik: Suruhanjaya Koperasi Malaysia).

ANGKASA telah menerima pensijilan Sistem Pengurusan Kualiti (ISO 9001:2015), Sistem Pengurusan Keselamatan Maklumat (ISO/IEC 27001:2013) dan Sistem Pengurusan Anti-Bribery (ISO37001:2016). ANGKASA juga telah dianugerahkan Cyber Security Organization of The Year di bawah kategori Sistem Pengurusan Keselamatan Maklumat (ISMS ISO 27001:2013) pada tahun 2015.

Seiring dengan 50 tahun penubuhannya, ANGKASA akan terus memperjuangkan hak dan kepentingan gerakan koperasi serta komited untuk meneraju dan melaksana inisiatif Matlamat Pembangunan Mampan (SDG) 2030 agar institusi ini terus berdaya maju dalam menghadapi cabaran masa hadapan serta berperanan sebagai instrumen pengagihan ekonomi yang adil dan saksama demi kesejahteraan untuk semua.

Untuk maklumat lanjut mengenai ANGKASA, sila hubungi talian Khidmat Pelanggan di talian +603 78007800 atau e-mel kepada apex@angkasa.coop. Anda juga boleh melawati laman web kami di www.angkasa.coop dan berinteraksi dengan kami di akaun rasmi Facebook atau Twitter di @ANGKASACoop

Untuk pertanyaan dan maklumat berkenaan media sila hubungi :

Halim Haji Ibrahim
Pengurus Besar
Bahagian Komunikasi Korporat
Merangkap Pegawai Khas Presiden ANGKASA
Tel. : +6016- 4580305 / +603 – 7884 6481
Faks : +603 – 7884 6489
E-mel : korporat.angkasa@gmail.com
www.angkasa.coop

KOPERASI MENYOKONG AGENDA

